

廣雁蕩山誌卷一

山總

唐一行畫天下山川爲兩戒以南戒盡於雁蕩可見  
稱名已久第僻處海陬足音不繼宋室南遷貴游漸  
盛因相傳爲宋開豈其然乎明季有卧雲者在芙蓉  
峰下掘得昭明古碑始知梁時已建塔寺乃沉埋千  
有餘年既惜其久湮旋幸其不終沒雖爲佞佛之報  
抑亦妄言者敗露時也雁山顧不靈哉志山總

名山

廣雁蕩山誌

卷一

山總

一

舊浙江通志雁蕩山在温州府樂清縣東九十里高四  
十里有湖方可十里水常不涸春雁歸時多宿於  
此故名

夢溪筆談温州雁蕩山天下奇秀然自古圖牒未嘗言  
祥符中因造玉清宮伐山取材方有人見之此時尚  
未有名按西域書阿羅漢諾詎羅讚有雁蕩經行雲  
漠漠龍湫宴坐雨濛濛之句此山南有芙蓉峰有芙  
蓉驛前瞰大海然未知雁蕩龍湫所在後因伐木始  
見此山頂有大池相傳以爲雁蕩下有水一潭以爲





龍湫又有經行峽宴坐峰皆後人取贊中語名之

按隋書地理志永嘉郡內有芙蓉山彼時尚未有雁蕩之名唐一行有南戒盡於雁蕩之語貫休有雁蕩經行之贊其名始著筆談以為伐木方有人見之者非

朱志雁山一名雁蕩同一名平湖一名雁湖山勢最高

上有水蕩惟雁宿焉故名

施志雁蕩山一名雁宕又名雁山蕩以水言宕以石言

其名雁山則省文也在樂清縣東北山門鄉 又或

稱北雁蕩非也雁蕩非他山可冒昔人以橫陽仙姑

洞諸景略似此山稱為南雁因以此為北雁且有以

廣雁蕩山誌 卷一 山總 二

白石山為中雁亦名玉巖峯并稱三雁俱非

開山

西域書第五位尊者諾詎那大阿羅漢居震旦東南大

海際雁蕩山又云龍湫雁蕩乃吾師弟子諾詎那尊

者之化都也詎那至山中觀瀑遂坐化焉 名勝志

相傳諾詎那為開山祖

按謝靈運僅至筋竹瀾口而止路險難行即瀾中亦未深入舊志因有筋竹瀾詩遂列為開山之首非也又指謝公嶺為康樂所經而名亦非嶺東多謝氏向有謝家寨適與客兒同姓耳

朱志宋太平興國元年永嘉僧全了遊方至荆門州遇



天竺僧謂之曰汝緣在浙東當得名山居之永嘉有  
諾詎那者道場適當與師宜往訪龍湫宴坐此尊者  
棲錫地也了遂感悟至山中結庵於要會處曰芙蓉  
庵至天聖元年有僧文吉居山之東碧霄峰下今名靈峯  
曰碧霄庵雁山勝蹟漸著諸寺相繼而興

按宋志將花村鳥山二語移在全了身上而李孝  
光記及懷素書皆云諾詎那即方外載全了事亦  
無此二語蓋全了係本處人只說龍湫宴坐已足  
不似詎那飛錫尋山須作此啞謎也今為改正

施志太平興國元年僧行亮神昭即神朗卓錫此山得安

禪谷居焉旋翔殿宇邑新市蔣光贊助建即今靈巖寺其徒正因抗

廣雁蕩山誌 卷一 山總 三

疏請額由是山水靈秀聞於京師慶歷三年興石梁

焉皇祐元年縣尉甄昂乃發蕩陰山水即今南北關自太

平興國二年至皇祐元年共七十有三年山景畢開

山體

沈括記雁山去縣一百里諸峰峭拔險怪上聳千尺皆

包在諸谷中自嶺外望之都無所見至谷中則森然

千霄自下望之高崖峭壁從上觀之適與地平

袁采序山石像物賦形步移即換巖瀑噴濺飛沫俄頃

百態且限以重岡複嶺不可摹寫 又記云山純石



而土山不與焉

李孝光記雁山無土田桑棗兩山東澗人行盡日曲折  
在水中

陶望齡記雁山色如古敦奩所謂丹砂翡翠瓜皮大綠  
靡不畢具

方孝儒巾山草堂記雁蕩穹窿嵯峨爲天下奇觀跡擬  
乎蓬閭名播乎區極

王士性記東西亘五十里咸片石爲底插漢爲峰如巧  
匠園丁叠綴而成

廣雁蕩山誌

卷一

山總

四

潘倣序雁山瀕海高出霄漢間發源不知所始其址之  
盡垂入海嶠斷崖千尺下臨巨浸浙以東山之名勝  
奧邃者首稱焉

施志星紀當牛女間爲南紀之終外控海道內扼巖疆  
在浙爲東隅樞要在甌爲北門管鑰 國朝設兵制  
險築城於山隅舊驛間可謂得形勝之要矣 山峻  
極者曰雁湖山在西外谷巔自此而西谷東谷東外  
谷漸行漸下至東外谷則斷而復起勢自西南而至  
東北景多坐西北而面東南山外蔽以重岡外視一



無所有入其中千形萬狀獻異呈奇此山之大概也  
石五色俱備白者為多洞明敞向陽者多峰峭削亭  
立者多大小龍湫以瀑潭峰障見奇南北三梁以梁  
洞著異靈巖峰峰分列於前靈峰峰峰環繞於下對  
人雙髻雙鸞雙盒等又合兩笑而適肖此山之約畧  
也

### 山界

舊雁山志北界蒼山

在永嘉縣南溪寒坑外二十里即蒼坡山東至溫嶺一名

溫嶺其地常暖冬月不寒舊為溫之南界州所以得名也原屬樂清今分隸合之太平縣西至白

廣雁蕩山誌

卷一

山總

五

巖在東外谷北闊蕩險有白巖寺

南至玉環山

明一統志在樂清縣東南二百里海中

施志雁山高三十里其陽東西橫跨六十里其陰橫跨

四十五里南北深四十里周圍一百八十里東至石

門潭

其外去驛路一里東去大荆城三里

西至白巖

在大芙蓉村西北八里山有二白巖

一在此一在蕩險

南至筋竹澗

外即今驛路

北至甸嶺

在蕩險北閣仙亭山

之是謂本境四址 本山合外境外境乃附近諸山 東西一

百十里南北一百里周圍四百二十里自石門潭東

南二十五里至南松巖

地屬台州太平縣

自白巖西二十里

至左原

從大芙蓉村至此俱稱蕩陽

自筋竹澗口東十里至海涯



西內外谷  
水入海處  
自甸嶺北五十里至寒坑  
在永嘉界蕩水北流至此入納

溪西北出  
江東流入海  
是謂外境四址

按舊志東至温嶺去山六十餘里南至玉環在山南海中北至蒼山去山八十里施志皆以太遠刪去今兩存以俟考

### 山路

陸深記自樂清道白沙芳林逾窰嶼過長嶼原經古塔

本覺寶冠石門諸寺出白溪驛  
即今嶺店驛謂之右路自

黃巖由白筋嶺入石梁過靈巖逾馬鞍至能仁出長

嶼抵窰嶼謂之左路馬鞍嶺蓋其分界云

### 廣雁蕩山誌 卷一 山總 六

舊雁山志一路由筋竹澗入  
沿澗皆小徑抵能仁過馬鞍嶺

至靈巖入南北閣抵黃巖界 一路自邑之窰嶼逾

嶺至小芙蓉上丹芳嶺  
即四十九盤嶺抵能仁寺逾馬鞍嶺

至靈巖出白溪至嶺店驛似為捷徑比舊路約省二

十里 又小徑二處一從南北閣來者自謝公嶺始

一從江邊龍平來者自陌西始  
陌西在驛路白峯嶺邊當窰嶼店二驛

折中 又一徑從筋竹上飛泉嶺入能仁寺其徑路

崎嶇難行

施志由縣治東行道白沙竹嶼  
舊路芳林今移竹與過虹橋逾窰



嶼嶺凡六十里抵大芙蓉村

在山西  
址之南

自芙蓉東逾筋

竹白筋二嶺凡五十五里抵大荆營

在山東  
址之東

自大荆

北四十里至盤山嶺爲邑界逾嶺入台之黃巖此山

外東西驛路温台通衢也 又山外驛路宋以前由

虹橋走烏石沿海東度白溪至大荆後改從山中出

入至宋末始闢今路 又本山四谷路自大芙蓉西

北行八九里抵白巖自白巖東行五里抵長嶼爲西

外谷口遊梯雲寶冠梅雨石門凡十六里抵桐嶺度

嶺入西內谷東遊芙蓉雙髻凡九里東北抵馬鞍嶺

廣雁蕩山誌

卷一

山總

自中路西北入五里遊常雲道松龍湫自中路東南

行二里遊能仁筋竹度馬鞍嶺入東內谷東遊玉霄

靈巖鐵城靈峰凡二十里抵謝公嶺其間自靈峰北

折西五里遊碧霄真濟度謝公嶺出東外谷東遊石

梁石佛凡十里抵石門潭自石門潭西北六里抵雙

峰自石門潭東五里抵大荆驛以上謂之右路自大

荆入石門潭西出長嶼謂之左路東至大荆共路六

十里 又自大芙蓉東北徑小芙蓉上丹芳嶺抵能

仁歷東谷及東外谷出走大荆視前路少二十餘里



卽宋時舊驛路也 蕩陰路自石門潭西行經澗嶼  
諸處凡十八里至南閣再十六里至會仙峰再十里  
至散水巖自南閣北五里至北閣再西北十七里至  
仙亭山再北三里至甸嶺凡遊南北閣必由此

山嶺

東嶺卽桐嶺

温州府志府城北六十里有桐嶺接樂清

縣界袁采序自石門來者曰東嶺朱志在雁山西南  
入西內谷至能仁寺東北出驛路施志本名桐嶺又  
名芙蓉嶺俗稱東嶺自西外谷石門寺前度嶺經芙

廣雁蕩山誌

卷一

山總

八

蓉峰下東走羅漢寺

國朝梁社自凌雲入桐嶺詩鳥道盤旋萬壑間危溪  
迴合水潺潺晚春深谷行人少躑躅花開雨滿山

華嚴嶺

施志在羅漢寺後度嶺可入龍湫

羊瑞嶺

施志在桐嶺南自西外谷長嶺原東度嶺入

西谷羊瑞坑至能仁寺

西嶺

宋志在能仁寺西由羊瑞坑度嶺出長嶺

丹芳嶺

袁采序自芙蓉來者曰丹芳嶺朱志一名四

十九盤在能仁寺西入西內谷寺在嶺下嶺路盤轉

四十九折山極陡峻戴澳記上四十九盤俯大海恍



躡蓬萊臨弱水盤盡則擁出諸峰肅然迎客冠雲披

霞望之神舉施志在小芙蓉北地多花木因名丹芳

明章綸過丹芳嶺詩每過丹芳嶺蜿蜒七七盤身登  
三鳥外足躡五雲端素練懸崖瀑瓊珠漱石湍入林  
暑氣薄秋滿萬山寒再過丹芳嶺詩千古丹芳嶺遊  
人去又來霜楓紅似錦春樹綠於苔幽鳥逢人語寒  
花待日開風光還復舊正遇一陽回吳仲禮早度四  
十九盤嶺詩龍湫已轉三三曲鳥道猶經七七蟠正  
訝岫奇天與設翻將夷險宦同看花風撲撲時穿麝  
山日津津尚護巒歸神誰驚有東海余囊亦自裏巒  
峴國朝李棟丹芳嶺詩鳥道紆迴七七盤雲封霧  
鎖幾峯巒望詩入山不必深光景已迥絕天半列常  
煥丹芳嶺望詩與蔚藍齊瑩分白玉潔只露一峯  
雲嵒嶙而巖窠翠與蔚藍齊瑩分白玉潔只露一峯  
奇已數萬山抽伸手理浮雲俯視俱一切清興與誰  
同新歌流幽咽袁枚過四十九盤纜到雁山詩四十

廣雁蕩山誌

卷一

山總

九

九盤嶺盤盤欲上天不教雙足苦難到萬峯巔踏  
處全無土喧聲但有泉三休才得過衣帽盡雲烟

馬鞍嶺

袁采序

達於東谷曰馬鞍嶺宋志一名石城

嶺在能仁寺東北五里許逾嶺至靈巖寺嶺背石凹

狀如馬鞍故名吳子孝大湫記馬鞍嶺高十餘里曲

十餘折其初上也衆山以漸而低及最高處則此嶺

如大父而衆山皆兒孫繞膝此嶺如天闕而衆山皆

大海波紋矣慎蒙記一步一折真為蛇徑施志嶺為

東西谷中界北有大石障故又名石城人行嶺背一

望十餘里皆丹峰翠巘最為偉觀



明皇甫汈馬鞍嶺詩石磴千盤上馬鞍始知鳥道未  
為難此身已作圖南翼猶指雲霄向北看國朝袁  
枚馬鞍嶺詩千峯如龍躡當指雲霄向北看國朝袁  
實為攔路者何時鑿成鞍跨鞍才得下下此山如潮  
萬派爭一瀉立向天外多在意中寡我欲吟成詩  
可畫不可寫歎息千萬年混沌鑿方且既元過馬鞍  
嶺詩林薄無疎景川谷莽回互崖轉得新蹊已惜忘  
舊路延緣入東谷修嶺詎可度盤磴引高情飛泉入  
危步停策聊憩息雙谷始兼顧沈雲散靈風萬石盡  
豁露伽藍遠撲地蒙茸翳繁樹宿心既申寫景物相  
昭遇徘徊下層巒嶺脊難久駐李鑿宣馬鞍嶺詩衆  
山如奔馬此山扼其領橫跨作馬鞍鞞鞞好以整無  
數汗血駒馭之不得騁彭彭石磴紆步步松逕引攀  
躋困難到回眸陋前嶺迷漫雁湖水天際澹雲隱大  
海杯筵寬衣帶一條影罡風挾銀潮不復辨漁艇左  
右羣麓低連娟眉黛靚惟有常雲峯高壓駛驥頂端  
木國瑚馬鞍嶺詩磴道苦紆迴突兀復此嶺行色滯  
前旌峭絕無由騁梯空踏斷壁踵觸後人頂斗上忽

廣雁蕩山誌

卷一

山總

又九

垂下勢不絕一頃懸路失欹扶足到目先警高風落  
崖壑鳥墜空無影危步較分寸餘力借榛梗有奇不  
暇賞出險卽云幸山林且崎嶇投迹能無省采焯度  
馬鞍嶺詩朝遊玉霄峯策策屐一兩夕望石城山昂  
昂如掉鞅煙靄弄輕霏松篁散清響林密無疎陰壑  
邃得幽賞隻手捫藤蘿危磴力可上紆迤躋其巔不  
復測尋丈憑險瞰諸峯渺小雜蒼莽指點衆煙鬢二  
雁落我掌踪跡悵遲留佳勝得想像宿志庶偶諧退  
思轉倘悅却因眼界孤翻作出世想意當御洽風終  
焉謝塵埃陳舜咨度馬鞍嶺詩頑嶮肖物爭化工犬  
羊虎豹犀兕熊尋常不貌廐下質忽作天馬行高空  
岡巒千仞百仞接煙霞草樹紛龍蔥天如有意作吟  
域強擎二谷分西東我策筇杖履苔石蝸跡鳥道喜  
可通初行百步五十步但見深壑形崆嶲拾級愈多  
境益勝曷下白雲生蓬蓬衆峯羅列各低首猶如孫  
兒扶衰翁內谷外谷畢呈露一在我指顧中纖埃  
淨埽絕翳蔽天光蕩蕩摩青銅仰天不覺開口笑曾  
納海濤洒天風松泉聲韻入吾耳欲破塵俗開洪濛



古今幾人有事業據鞍顧盼徒自雄儒冠終為誤身  
具不爭黑頭作三公不如逃為山水友幸或可以爾  
吾窮明朝着屐到西谷更尋三十有三峯蚤趁夕陽  
踰嶺去呼出瑞鹿訪青童會熙馬鞍嶺詩刻意搜二  
谷我游信汗漫東谷行忽窮層岡插秋漢造化似祕  
奇固欲隱其半瘦嶺一千盤乃垂自天畔賈勇獨躋  
攀脚力猶輕悍仄徑屢縈紆奇趣叠遷換竹柏交陰  
翳烟雲自繚亂西谷卅三峯隱約露舊絮遠目極高  
瞻還心託靜玩行矣  
叩山扉猿鳥如相喚

謝公嶺 〔朱志〕在靈巖寺東通石梁寺入南北閭又出

驛路周清源記踰謝公嶺而西始無負土山山石乃

盡立〔施志〕謝公人多指靈運惟元李五峰有嶺東謝

氏之說攷嶺東舊有謝家嶼嶺必為嶼人所作五峰

廣雁蕩山誌

卷一

山總

十

說為近是

按此嶺為東谷內外之界康樂如果至此目中所見豈肯放過度瀾尚且有詩過嶺獨無一語大是疑團得李五峯之說為之釋然

連霄嶺 〔施志〕一名雁湖嶺在西外谷北自石門寺西

北上嶺行三十里至雁湖乃諸嶺最高者

飛泉嶺 〔袁采序〕自筋竹來者曰飛泉嶺〔朱志〕在能仁

寺東南通筋竹澗路上飛泉寺〔施志〕東北下東內谷

又名天梯嶺

北嶺 〔施志〕一名馬家嶺在東谷真濟寺西北度嶺入



蕩陰南北閣

水泉

徐宏祖記雁湖之水分墮於南者或自石門或出凌雲之梅雨或爲寶冠之飛瀑其北墮者則蕩陰諸水也施志雁山多懸瀑飛湍以山多峭險故也他山水或拖藍凝碧浮白搖青獨雁山在在如玻璃承露祇見清絕無他色其味芳冽多飲不脹一出谷口色味遂不復爾諺云縱有雁山茶決無雁山水信哉

韓則愈雜記雁山之泉無處不佳以水從石出無泥渣

廣雁蕩山誌

卷一

山總

上

混濁故與他處不同耳

四谷

西外谷 施志西至白巖東至桐嶺北至梅雨巖南至長巖東西十六里南北五里北上有雁湖東北三十五里谷曠土燥景麗於北 西外谷諸山最高曰雁湖山西下曰白巖山爲雁山西址白巖南曰芙蓉山東曰古塔山又東曰寶冠山又東曰凌雲山又東北曰石門山其橫西山前者曰長巖山爲西外谷外蔽界石門東者曰桐嶺山爲西內谷之限 西外谷水



多流石陘塞水從石<sub>下</sub>行其中大水二一在山西源  
自西北諸澗合廬山馬裊水南至於白鶻折而東至  
長嶽山頭一在谷中源自雁湖南下會諸澗至於石  
門又南行會東澗桐嶺水又西南行會卓家壘水又  
西南至於石柱會北澗梅雨巖西瀑布水又西至巨  
嶽原會梯雲谷水折而南過長嶽山頭出谷合白巖  
水爲一東流爲芙蓉溪經三坑過海口市入芙蓉江  
南出纜嶼合西內谷水東趨山峽南流爲檉江入於  
海

廣雁蕩山誌

卷一

山總

七

西內谷 施志一名西谷西至桐嶺東至馬鞍嶺北至  
大龍湫南至丹芳嶺東西九里南北七里自上龍  
湫下至筋竹澗口南北三十五里谷窄而曲地高景  
南北相錯 西內谷諸山西北曰龍湫山上曰白雲  
山白雲東曰常雲山亦曰靈府山龍湫東曰瑞鹿山  
東南曰華嚴山又東曰天柱山又東南曰曾明山又  
東南曰飛泉山曾明西曰獅子山又西曰雙巒山雙  
巒東南曰棲鳳山東曰戲龍山其橫二山之南者曰  
大屏山爲西內谷外蔽大屏東曰羣鳳山東南曰下



培山又南曰筋竹山其在普明東北者曰石城山半  
跨東北而界於其下者曰馬鞍山爲東西谷中之限  
西內谷水流石上而清其中大水一自山脊左右  
合流南垂爲上龍湫又南過白雲菴投湫背潭瀉爲  
大龍湫東流爲錦溪至於瑞鹿東南至華巖又東會  
天柱水東南至普明會東澗馬鞍嶺水又南會西澗  
桐嶺水又東南過飛泉寺轉龍門瀉爲霞映潭南流  
能仁寺前爲照膽溪又南會西澗羊瑞坑水折而東  
下雁渡堤東南趨於峽至筋竹澗過下培經菊潭下

廣雁蕩山誌

卷一

山總

三

連環屈曲而南出谷流爲筋竹溪西南入於江合西  
外谷水東南入於海

東內谷〔施志〕一名東谷西至馬鞍嶺東至謝公嶺南  
至白雲岡北至北嶺東西二十里南北八里谷橫而  
舒地平景麗於北 東內谷諸山在石城山東者曰  
蓮臺山又東曰黃巖山又東曰紫微山又東曰靈巖  
山又東曰響巖門山又東曰翠微山又東曰鐵城山  
亦曰淨名山又東曰回峰山其橫亘諸山之南者曰  
南屏山亦曰白雲岡山爲東內谷外蔽石城北曰玉



霄北山東曰曲頭山又東曰石洞山又東曰真濟山  
東南曰碧霄山碧霄南曰靈峰山西南曰朝陽山又  
南與回峰接而界於靈峰東者曰謝公嶺山爲東內  
外谷之限 東內谷水清而隱見不一其中大水二  
一自馬鞍嶺東下徑列仙紫微東至靈巖又東至響  
巖又東過鐵城又東至雙溪口流十八里會南北兩  
山水徐行至於雙溪一自玉霄北合諸澗東流至石  
洞又東趨真濟會北嶺水東南至碧霄折而南下過  
靈峰投照膽溪又折而西南至雙溪口東流二十里

會南北諸澗水疾行至於雙溪合而爲一趨東南注  
於峽出谷繞山隅南流爲白溪過白溪市投白溪江  
東南入於海

東外谷 施志西至謝公嶺東至姜園北至谷底南至  
石佛山東西八里南北五里自謝公嶺東至石門潭  
東西十二里谷曠地平景錯於南北 東外谷諸山  
在西曰石梁山東南曰石佛山東曰姜園山又東曰  
五峰山又東曰石門山爲雁山東址五峰之北曰雙  
峰山西曰閣口山又西曰馬嶺山又西曰南閣山



東外谷水自谷底東南流至石梁東會姜園水又東  
南會石佛水出谷流於平野又東南入於蒲溪蕩陰  
南閣附朱志在雁山北支施志南至石柱北至北屏山  
東至馬嶺西至會仙峰南北二里東西十六里西自  
散水巖東至石門潭東西四十五里谷廣而長土沃  
景在谷底交錯於南北南閣諸山西南曰大杓山  
又西曰湖南山湖南之上曰版藏山西北曰沸頭山  
又西曰胡家山又西曰屋山西南曰五峰山湖南東  
北曰仙峰山東曰百岡山又東曰仙壇山又東曰北  
屏山北屏之北曰北閣山南閣水長而衍西自五  
峰諸水合流而東西北自庄屋山諸水合流而南瀉  
爲散水巖東出合西山水爲一至於沸頭會湖南坑  
水東至會仙峰達於仙潭會石佛洞諸澗水東至南  
閣村經村北而下至於馬嶺

北閣附朱志在南閣溪北二閣以溪分南北俱在東谷

外施志北閣村南北二里東西五里西北自甸嶺東

南至北閣村南北十八里谷深地高景在谷底北

閣諸山西曰白巖山西北曰龍虎山又西北曰仙溪



山又北曰仙亭山又西北曰甸嶺山爲雁山北址  
北閣水大而激東北分台之西界挾西北諸山水至  
甸嶺下轉東經仙亭山之陽會諸澗水百折而南至  
北村又折而東南至馬嶼合南閣水爲一趨而東至  
卓嶼及閣口會十八灘龍灘諸水東折而南下於石  
門潭滙爲巨浸出谷東流爲蒲溪抵大荆轉金山隅  
會石梁水浮山而下東南入於海

按南北二閣乃東外谷支山施  
志併入東外谷今爲分出附後

百一峰 陸深記東谷之峰五十有三西谷之峰四十

廣雁蕩山誌

卷一

山總

六

有八謂之百一峰朱志西谷諸峰曰連珠曰靈犀曰  
獅子曰山冠曰石表曰立戟曰羽人曰射塚曰含珠  
曰含翠曰朝陽曰靈芝曰二仙曰招賢曰寶冠曰寶  
簪曰石鏡曰鳳凰曰香爐曰伏虎曰天冠曰獅子曰  
五雲曰雙穴以上二十四  
峯俱西外谷曰紫極曰棲鳳曰華陽曰  
戴辰曰戲龍曰火焰曰回鸞曰石龜曰朝陽曰瓊臺  
曰石笋曰卧龍曰凌霞曰瑞鹿曰抱兒曰獅子曰石  
碑一名紫  
薇屏曰立笋曰削玉曰卓筆曰天樂曰宴坐曰  
剪刀一名天柱又名一  
帆皆隨步換形而名曰常雲以上二十四  
峯俱西內谷東谷



諸峯曰雙鸞曰寶印曰曉闕曰小卓筆曰獨秀曰重

樓曰茶爐曰石指曰天柱曰展旗曰招賢曰獅子曰

伏龜曰礪齒曰石碑曰天冠曰總角曰金鼎曰蓮花

曰玉杵曰石燕下有石屏曰碧霄曰凌雲曰朝天曰五

老曰雙穴下有連雲障曰橐駝曰戲獅曰犀角曰香爐曰

倚天曰鳳凰曰超雲曰丹桂曰象牙曰玉蟾蜍曰靈

芝曰虎蹲曰龜子曰藥杵曰架海曰朝陽曰南碧霄

曰鼓槌曰覆船曰捲螺曰鉢盂曰三賢以上四十八峯俱東內谷

曰石佛曰獅子曰雙峰曰老人曰吹簫以上五峯俱東外谷

廣雁蕩山誌

卷一

山總

七

百二峯

樂清縣志峰之得名者一百有二施志舊志

無考者刪三十三增三十二及分合以足百二之數

曰石表曰連珠曰招賢曰寶冠曰香爐曰寶簪曰含

珠曰二仙曰凌雲曰含翠曰天冠曰玉兔曰石筍曰

雙穴以上西外谷曰芙蓉曰雙髻曰朝陽曰卧龍曰火焰

日落雲曰戴辰曰剪刀曰小卓筆曰天樂曰宴坐曰

鏡臺曰瑞鹿曰削玉曰抱兒曰立筍曰石碑曰常雲

曰嶮巉以上西內谷曰大屏曰玉霄曰石指曰玉屏曰鷹

嘴曰天柱曰展旗曰雙鸞曰捲圖曰玉女曰卓筆曰



獨秀曰茶爐曰寶印曰重樓曰曉闕曰石屏曰紺珠  
曰覆鐘曰鉢盂曰金鼎曰蓮花曰玉杵曰總角曰石  
燕曰摩霄曰仙掌曰雙盆曰丹笏曰排闥曰靈峰曰  
倚天曰凌霞曰象牙曰鳳凰曰藥杵曰朝陽曰礪齒  
曰五老曰鬪雞曰雙筍曰超雲曰戲獅曰犀角曰靈  
芝曰蹲虎曰橐駝曰碧霄曰小石屏曰南碧霄曰千  
佛曰香爐曰大筆曰卓刀曰玉笋以上東內谷曰石佛曰  
雙峰以上東外谷曰石柱曰紫霄曰蓮蓋曰石丈曰石笋  
曰仙杖曰杏屏曰西屏曰會仙以上南閭曰吹簫曰秀士

廣雁蕩山誌 卷一 山總 六

曰美人以上北閭

勝景

二靈 舊雁山志靈巖靈峰

三絕 舊雁山志大龍湫靈巖靈峰

六勝 雁山紀遊梅雨巖大龍湫靈巖鐵城障靈峰石

梁洞

八大觀 施志梅雨巖大龍湫靈巖鐵城障靈峰石梁

洞會仙峰仙橋

二十景 施志雁湖梯雲谷梅雨巖石門芙蓉峰能仁



寺筋竹澗大龍湫常雲峰玉霄峰靈巖鐵城障朝陽

洞靈峰碧霄洞石梁洞石門潭會仙峰散水巖仙橋

按右二十景有為孤景者有一景藏數景及數十  
景者有一景可連屬諸景者舉二十景而一山之  
景已瞭如指掌

廣雁蕩山誌

卷一

山總

九

廣雁蕩山誌卷一終